

# **FUNDUS PETRÓLEU TIMOR-LESTE NIAN**

**Relatóriu Trimestrál  
Ba Trimestre ne'ebé hotu iha 30 Juñu 2008**

**Aprezenta ba Ministra Finansas  
husi  
Autoridade Bankária & Pagamentu Timor-Leste nian**

## **INTRODUSAUN**

Relatóriu ida-ne'e halo haktuir ba Artigu 13 Lei Fundus Petróleu nian ne'ebé ejize Banku Sentrál atu relata kona-ba rendimentu no atividade sira Fundus Petróleu Timor-Leste nian, refere ba relatóriu ida-ne'e nu'udar Fundus selae kondisaun ne'e sujere oin seluk.

Referénsia monetáriu sira hotu iha relatóriu ida-ne'e bazeia ba dolar Estadus Unidus Ameríka nian nu'udar moeda ofisiál Timor-Leste nian.

## **SUMÁRIU EZEKUTIVU**

Fundus Petróleu ne'e forma husi deketu Lei Fundus Petróleu nian ne'ebé promulga iha 3 Agostu 2005. Lei ne'e fó responsabilidade ba Autoridade Bankária & Pagamentu (ABP) Timor-Leste nian hala'o jestaun ba fundus ne'e.

Relatóriu ida nee kobre ba período husi 1 Abril too 30 Juñu 2008

Durante período ida-ne'e, ABP kontinua investe fundus hotu-hotu ne'ebé simu haktuir ba mandatu investimentu nebe konkorda ho Ministériu Planu no Finansas nian iha ne'ebé índise pontu referénsia Notas Tezouraria Estadus Unidus Ameríka nian (*United States Treasury Securities*) ho limitasaun tempu to'o tinan lima espesifika hamutuk ho sasukat rendimentu ne'ebé define ona

Durante trimestre ne'e kapital Fundus nia aumenta husi millaun \$2.629,96 to'o millaun \$3.203,07, inklui osan-kontadu brutu tama ba fundu ne'e mak millaun \$598,81 **kompostu husi kontribuisaun kontribuinte sira ba fundus ne'e mak millaun \$246,35 no kontribuisaun realeza sira ba fundus ne'e mak millaun \$352,46**. Osan kontadu sai mak rihun \$260 ba gastu jestaun operasaun nian, aupáksuke osan-kontadu líkidu ne'ebé tama mak millaun US\$598,55. Rendimentu portefoliu iha período ne'e mak -1,00% ou 100 pontus baze enquatu rendimentu referensia iha trimestre ne'e mak 1,02% ou 102 pontus baze . Diferensia rendimentu iha periodu ne'e mak 2 pontus baze liu rendimentu referensia iha mandatu  $\pm 25$  nia laran.

Valor merkadu husi indise referensia no Fundu Petroleu nia portefoliu tuun durante trimjstre nee rezulta referensia/benchmark lakon -1,02% no portofoliu lakon -1.00%.

Lakon iha valor nee hanesan kauza husi fatores maior nebe la favoravel afekta merkadu durante trimestre nee, liu-liu aumenta iha rendimentu (yield) Estados Unidos nian nebe afekta merkadu titulus nia folin monu.

Tabela tuir mai nee hatudu rendimentu husi trimestre, tinan ida, tinan rua, tinan tolu no total inisiu fundus nian.

#### Retornu Historikamente

|                          | Trimestre    | Anual*       | tinan-2*     | tinan-3*     | desde inisiu* |
|--------------------------|--------------|--------------|--------------|--------------|---------------|
| <b>Portofoliu Indise</b> | -1.00%       | 7.34%        | 6.22%        | 4.62%        | 4.62%         |
| <b>Diferensa</b>         | <b>0.02%</b> | <b>0.01%</b> | <b>0.00%</b> | <b>0.03%</b> | <b>0.03%</b>  |

\* Anualiza

## 1. MANDATU JESTAUN FUNDUS NIAN

Autoridade Bankária no Pagamentu ne'e nomeia ona atu hala'o jestaun operasionál Fundus nian haktuir ba Artigu 11.3 husi Lei Fundus Petróleu nian ne'ebé hesuk (hatete) katak Ministru sei halo akordu ho Banku Sentrák kona-ba jestaun operasionál Fundus Petróleu nian no Banku Sentrák sei responsabiliza ba jestaun operasionál Fundus Petróleu nian.

Akordu jestaun ne'e negoseia no hetan konkordánsia entre Ministeriu Planu no Finansas nian ho Autoridade Bankária no Pagamentu , ne'ebé asina iha 12 Outubru 2005.

Mandatu ne'ebe estabelese iha Akordu Jestaun nian seidak muda hahú husi relatóriu sira uluk, mak hanesan tuirmai ne'e:

## 1. INSTRUMENTU KUALIFIKADU

Patrimóniu Fundus nian ne'e sei investe ba klase sira hanesan deskreve iha kraik ne'e. Índise sira ne'ebé indika ho klase patrimóniu ida-idak sei uza atu sukat rendimentu Fundus nian.

Instrumentu Débitu ne'ebé fó sai husi Estadus Unidus no governu soberanu kulifikadu sira:

### **Índise: Índise título tinan 0-5 Merrill Lynch nian**

Instrumentu likidasaun kurtuprazu nian mantein husi Fundus ne'ebé limite ba apropriausaun orsamentu fulak (mensál) husi Fundus ba konta orsamentu estadu nian ne'ebé deskreve iha artigu 13 bazeia ba projesaun osan-kontadu ne'ebé fornese ba Banku Sentráal husi Ministru sei esklui husi Fundus ne'e ho objetivu komparasaun padraun referénsia nian, maibé ho kontráriu Banku Sentráal sei responsabiliza ba rendimentu kona-ba instrumentu sira-ne'e.

## 2. MANDATU


1. Karakterístika mandatu nian ne'ebé estabelese husi Ministru sei pasivamente maneja Fundus besik ho padraun referénsia, atu nune'e iha sirkunstánsi normál objetivu mak atu hetan rendimentu iha pontu baze 25 padraun referénsia nian.
2. Diferensa ba durasaun modifikadu ne'e entre portefoliu no padraunreferénsia tenke menus husi tinan 0.2.

Atu haberan akizisaun ho orden ba investimentu ne'ebé apropiadu, parámetru sira iha Aneksu 1 ne'e sei bele aplika de'it husi loran tolunulu (30) liutiha data aprovasaun nian husi Akordu Jestaun nian.

Pagamentu realeza hotu-hotu no fundus sira-ne'ebe simu husi kontribuinte sira maibé número ne'ebé koletivamente la to'o ba entrada investimentu mínimu ne'ebé estabelese husi ABP, investe ona iha mandatu pontu referénsia husi loran reseita tuirmai.



## 2. TENDÊNCIA MERCADU NIAN DURANTE TRIMESTRE NE'E

Durante priodu 31 Marsu to'o 30 Juñu 2008, padraun referénsia Tezouraria Estados Unidus nian sa'e signifikante. Rendementu referénsia fulan 3 no 6 sa'e respetivamente ho 41 ho 67 pontus baze, enkuantu rendimentu husi tinan 2 sa'e ho 103 pontus baze. Notas pontu referénsia tinan 3 no 5 tezouraria Estados Unidus nian sa'e respetivamente ho 86 no 89 pontus baze kompara ho trisemestral ikus nian. Mudansa Rendementu (*yield*) ho presu tezouru nian la'o iha diresaun kontrariu. Tamba nee mudansas rendimentu periodu ne'e rezulta ona presu nebe kiik liu ba notas portefoliu Fundu nian. Gráfiku iha kraik ne'e hatudu kurva rendimentu Governu Estados Unidus tinan 0-5 nian iha 30 Juñu 2008 kompara ho trimestre ikus ida uluk 31 Marsu 2008.



Iha loron 30 fulan Abril 2008, Banku Reserva Federál Estados Unidus nian hatun ninian taxa jurus imprestimu *overnight* nian (*US Federal Funds target rate*) ho pontus baze 25 rejulta nivel alvu taxa jurus agora nian iha 2.00%

Gráfiku tuirmai ne'e hatudu permeriu, kona ba rendimentu lor -loron índise Merrill Lynch titulu Governu Estados Unidus tinan 0-5 nian durante trimestre ne'e no sigundu, kona ba akumuladu rendimentu índise Merrill Lynch titulu Governu Estados Unidus tinan 0-5 iníciu fundu nian to'o fim trimestre ne'e.



### 3. JESTAUN DURANTE TRIMESTRE NE'E

#### *Objetivu*

ABP nia objetivu atu maneja Fundus ne'e mak atu alkansa rendimentu portefoliu nian besik ho rendimentu pontu referénsia ne'ebé konkorda ona. Osan-Kontadu ne'ebé simu husi Fundus ne'e investe ona iha portefoliu tuir maneira tempu nian, normalmente durante loron servisu rua nian. Polítika ida-ne'e konsistente ho mandatu investimentu pasivu ne'ebé fó ba ABP husi Ministériu Finansas nian.

### ***Implementasaun Operasionál nian***

Mandatu ne'e tau ba operasaun (operasionaliza) hodi halo tuir ba aprosimadamente sanulu husi notas 102 Tezouraria Estados Unidos nian ne'ebé forma índise pontu referénsia ne'ebé define ona. Títulu sira-ne'e selesiona atu reprodús risku no karakterístika rendimentu ponto referénsia nian ne'ebé mak dí'ak tebetebes.

Relatóriu Finanseiru loroloron nian kona-ba dezempenu (*performance*) Fundus nian ne'e prodús ba jestaun ABP nian nu'udar parte husi prosesu jestaun nian

### **Estudu Estratéjika**

Durante periodu nee, projetu numeiasaun Kustodia Global ho a ho assistensia peritus kompania konsultor internasional ida (Mercer) konklui ona iha inisiu fulan Juñu 2008 ho numeiasaun JPMorgan hanesan Fundu nee nia Kustodia Global hodi suporta Governu nia intensaun atu divesifika riku soin Fundu Petroleu ba retornu nebe aas liu.

Diretur Ezekutivu Departementu Fundu Petroleu iha ABP nian kontinua partisipa iha Grupu Servisu ida nebe esabelese husi Ministra Finansas nian ho objetivu atu hare fali alokasaun estratéjiku óptimu patrimóniu (*optimal strategic asset allocation*) nian iha limite Lei Fundu Petróleu nia laran no atu sujere mudansas nebe apropiadu iha konvensaun (*rules*) investimentu no instrumentus qualifikadu iha Lei Fundu Petróleu nian nomos respetivamente iha Akordu Jestaun nia laran.

### **Jestaun Externu**

Tuir negosiasaun kontratu inkonkluziva ho Banku Internasional ba Rekonstrusaun no Dezenvolvimentu (BIRD) hanesan jestor externu naun komersial, prosesu negosiasaun termina ona iha Juñu.

Prosesu negosiasaun kontratu ho BAnku Internasional Settlement (BIS) nudar jestor externu naun-commercial sei kontinua.

### **Hasa'e Kapasidade**

Pesoál sira ne'ebé mak delega ba actividades nebe relasiona ho operacional Fundus Petróleu nian kontinua envolve iha kapasitasaun, prinsipalmente kona-ba forma treinu servisu nian iha instituisaun oin-oin inklui mos Banku Central sira seluk no kapasitasaun longo prazu nian.

#### 4. RENDIMENTU PORTEFOLIU NIAN


Rendimentu Fundus relativu ba pontu referénsia ne'e kalkula no relata hodi uza baze hanesan nu'udar padraun referénsia nian.

##### *Rendimentu Absolutu*

| <b>Ho millaun US\$</b>                            |            |
|---|------------|
| <b>Retornu Absolutu ba Trimestre Abril-Jun 08</b> |            |
| Valor Inisiu (31 Mar 08)                          | 2,629.96   |
| Reseitas Durante Períudu nee                      | 598.81     |
| Transfere ba Orsamento Geral Estado nian          | -          |
| Kustu Jestaun nian                                | (0.26)     |
| Retorno durante fulan tolu nee                    | (\$25.44)  |
| Valor Final (30 Jun08)                            | \$3,203.07 |

Valór abertura Fundus nian iha inísiu trimestre nian mak millaun \$2.629,96 no valór inserramentu nian iha loron 30 fulan-Juñu 2008 mak millaun \$3.203,07. Reseitas petróleu durante trimestre ne'e mak millaun \$598,81 kompostu husi kontribuisaun kontribuinte sira ba fundus ne'e mak millaun \$246,35 no kontribuisaun realeza sira ba fundus ne'e mak millaun \$352,46. Rendimentu (brutu husi kustus) mak millaun -\$25,44 durante trimestre ne'e, husi ne'ebé kupaun no jurus ne'ebé simu mak millaun \$26,59 no mudansa iha valór notas nian mak negativu millaun -\$52,03. Ida-ne'e representa rendimentu ida ba Fundus ne'ebé bazeia ba tempu ne'ebé tetu taxa rendimentu nian husi -1,00% ka pontu baze 100 durante trimestre ne'e.

Aprezentasaun gráfiku kona-ba kreximentu valor líkidu (NAV) husi Fundus durante trimestre ne'e mak hanesan tuir mai ne'e:



Mudansa boot liu iha valór Fundus nian ne'ebé akontese nu'udar rezultadu husi reseita kontribuinte sira ne'ebé baibain simu kada fulan klaran nia laran.

## **5. GASTU JESTAUN NIAN**

Meiu husi ne'ebé gastu jestaun Fundus nian atu rekoñese determina iha Lei Fundus Petróleu nian. Artigu 6.3 husi lei ne'e hatete "Husi número ne'ebé simu haktuir ba Seksaun 6.1, Banku Sentrál iha podér atu hasai, husi débitu direta konta Fundus Petróleu nian, despeza jestaun razoavel ruma, hanesan fornese ba akordu jestaun operasionál ne'ebé refere ba Seksaun 11.3"

Gastu jestaun nian ne'e ho intensaun atu kobre despeza atuál ne'ebé hala'o husi ABP hodi maneja Fundu ne'e. Konsedera gastus nebe aumenta iha jestaun Fundu Petroleu, taxa jestaun husi US\$1.042.780,00 ba periodu Julhu 2007 to'o Junhu 2008 hetan ona konkordansia entre Ministériu Finansas nian no ABP. Valor rihun US\$260,69 taxa jestaun nian dedúz/hasai ona husi Fundu durante período ne'e.

## **6. TRANSFERE HUSI FUNDUS PETRÓLEU NIAN**



Haktuir ba artigu 7.1 husi Lei Fundus Petróleu, transfere husi Fundus ne'e só bele halo ba kréditu husi konta úniku Orsamentu Estadu nian. Durante trimestre ne'e laiha tranferensia ruma ba Orsamentu Jeral Estadu nian.


## **7. ESPOZISAUN RISKU PORTEFOLIU NIAN**

### **7.1 Buka-tuir Erru**


Gráfiku sira tuirmai ne'e ilustra maneira iha ne'ebé Fundus Portefoliu halo tuir índise pontu referénsia nian. Liña "Rendimentu Exesivu (*Daily Excess Return*) loro-loron nian" sukat diferenza entre rendimentu Fundus Portefoliu nian no pontu referénsia. Rendimentu Exesivu Kumulativu ba trimestre ne'e mak pontu baze 2 boot liu pontu referénsia nian, iha pontu baze  $\pm 25$  iha mandatu investimentu nian.







Rendimentu kumulativu Fundus Petróleu nian kompara ho rendimentu pontu referénsia nian durante período ne'ebe hanesan mak hatudu iha gráfiku tuir mai nee.




Grafiku iha leten hatudu katak rendimentu komulativu husi portfolio kuaje atu hanesan ho rendimentu pontu referénsia nebe ho diferença buka tuir erru kuaje zero. Buka tuir Erru zero significa katak Fundu Petroleu nia dezempenu hanesan mos ho dezempenu pontu referénsia nian iha periodu nebe hanesan.

### Cumulative Performance Numbers since Inception


| Period   | Cumulative Portfolio Return | Cumulative Benchmark Return | Cumulative Excess Return |
|----------|-----------------------------|-----------------------------|--------------------------|
| Aug' 05  | 0.0000%                     | 0.0000%                     | 0.0000%                  |
| Sept' 05 | -0.3186%                    | -0.2994%                    | -0.0192%                 |
| Oct' 05  | -0.4310%                    | -0.3694%                    | -0.0618%                 |
| Nov' 05  | -0.0620%                    | -0.0119%                    | -0.0501%                 |
| Dec' 05  | 0.3431%                     | 0.3973%                     | -0.0540%                 |
| Jan' 06  | 0.4914%                     | 0.5476%                     | -0.0558%                 |
| Feb' 06  | 0.5990%                     | 0.6356%                     | -0.0365%                 |
| Mar' 06  | 0.7107%                     | 0.7496%                     | -0.0387%                 |
| Apr' 06  | 0.9912%                     | 1.0086%                     | -0.0173%                 |
| May' 06  | 1.1933%                     | 1.2055%                     | -0.0120%                 |
| Jun' 06  | 1.4298%                     | 1.4283%                     | 0.0015%                  |
| Jul' 06  | 2.1942%                     | 2.1846%                     | 0.0094%                  |
| Aug' 06  | 2.9434%                     | 2.9358%                     | 0.0074%                  |
| Sept' 06 | 3.4911%                     | 3.4953%                     | -0.0040%                 |
| Oct' 06  | 3.9217%                     | 3.9201%                     | 0.0015%                  |
| Nov' 06  | 4.5252%                     | 4.4951%                     | 0.0288%                  |
| Dec' 06  | 4.4811%                     | 4.4744%                     | 0.0064%                  |
| Jan' 07  | 4.6912%                     | 4.7127%                     | -0.0205%                 |
| Feb' 07  | 5.5844%                     | 5.6037%                     | -0.0182%                 |
| Mar'07   | 5.9681%                     | 5.9922%                     | -0.0227%                 |
| Apr' 07  | 6.4156%                     | 6.4222%                     | -0.0062%                 |
| May' 07  | 6.2699%                     | 6.2927%                     | -0.0215%                 |
| June'07  | 6.6206%                     | 6.6605%                     | -0.0374%                 |
| July'07  | 7.6406%                     | 7.6655%                     | -0.0232%                 |
| Aug'07   | 8.7909%                     | 8.8363%                     | -0.0417%                 |
| Sept'07  | 9.4760%                     | 9.4942%                     | -0.0166%                 |
| Oct'07   | 9.9439%                     | 9.9812%                     | -0.0339%                 |
| Nov'07   | 11.9726%                    | 11.9394%                    | 0.0296%                  |
| Dec'07   | 12.2451%                    | 12.2451%                    | 0.0000%                  |
| Jan'08   | 14.1971%                    | 14.2033%                    | -0.0054%                 |
| Feb'08   | 15.3103%                    | 15.3171%                    | -0.0059%                 |
| Mar'08   | 15.5996%                    | 15.6538%                    | -0.0468%                 |
| Apr' 08  | 14.6433%                    | 14.6799%                    | -0.0319%                 |
| May' 08  | 14.1082%                    | 14.1152%                    | -0.0061%                 |
| June' 08 | 14.4472%                    | 14.4778%                    | -0.0268%                 |

## 7.2 Durasau

Mandatu ne'ebé fó husi Ministériu Planeamentu no Finansas nian ba ABP espesifika katak Portefoliu Fundus nian sei hetan Durasau Modifikadu ida iha tinan 0,2 índise pontu referénsia nian. Gráfiku tuirmai ne'e hatudu, dahuluk (premeiru), durasau modifikadu husi portefoliu no índise, no daruak (segundu), diferenza entre portefoliu no índise kompara ho mandatu másimu husi tinan  $\pm 0,2$ .



Gráfiku iha leten hatudu durasau modifikadu husi portefoliu investimentu Fundus Petróleu nian kompara ho durasau índise pontu referénsia nian.



Gráfiku iha leten hatudu diferensa loroloron iha durasaun modifikadu entre portefoliu investimentu no pontu referénsia nian. Akordu Jestaun hatete katak durasaun modifikadu husi portefoliu tengki maneja iha tinan  $\pm 0,2$  durasaun modifikadu pontu referénsia nia laran. Durante fulan tolu ne'e durasaun iha mandatu nia laran.

### ***7.3 Risku Kréditu nian***

Índise Merrill Lynch nian kompostu husi Notas Tezouraria (*Treasury Securities*) ne'ebé fó sai husi Governu Estadus Unidus, ne'ebé klasifika ho AAA.

Investimentu hotu-hotu husi Fundus Petróleu mós iha Notas Tezouraria Estadus Unidus (*US Treasury Securities*) nian ho número kréditu aas liu (AAA).

Osan-kontadu ne'ebé simu husi Fundus Petróleu Investimentu Pendente ne'e investe iha osan noturnu número jurus merkadu nian ba fundus komún reakizisaun noturnu ne'ebé halo husi Federal Reserve Bank of New York (Banku Rezerva Federál Nova Iorque nian).

## **8. DEKLARASAUN KONKORDÁNSIA**

BPA hala'o ona jestaun opeasionál husi Fundus Petróleu nian iha termu mandatu ne'ebé estabelese iha Akordu Jestaun.

### ***Instrumentu Kualifikadu***

Fundus ne'e investe iha instrumentu kualifikadu nian ba universu investimentu ne'ebé espesifika iha mandatu ba tempu hotu-hotu durante trimestre ne'e. Seidauk iha Fundus ne'ebé investe iha instrumentu seluk husi sira-ne'ebé deskobre ona iha relatóriu ida-ne'e.

### ***Rendimentu ba Portefoliu nian***

Rendimentu Portefoliu nian durante trimestre ne'e mak pontu baze -100 kompara ho rendimentu pontu referénsia husi pontu baze -102. Diferensa husi pontu baze 2 mak iha alvu mandatu pontu baze  $\pm 25$  nia laran.

### ***Durasaun Modifikadu Portefoliu nian***

Durasaun modifikadu husi Fundus portefóliu investimentu nian no índise mandatu nian ne'e sukat husi ABP loro-loron. Durasaun modifikadu husi Portefoliu Fundus Petróleu nian iha mandatu nia laran durante trimestre ne'e.

### *Audita Internál*

Haktuir ba fornesimentu Artigu 22 husi Petroleum Fund Law (Lei Fundus Petróleo nian) númeru 9/2005 katak presiza Auditór Internál ABP nian atu hala'o verifikasaun-konta husi Fundus nian kada fulan neen. Auditór Internál hala'o ona verifikasaun-konta kona-ba Fundus to'o loron 31 Dezembru 2007.

### *Prinsípiu Kontabilidade*

Haktuir ba fornesimentu Artigu 21 husi Lei Fundus Petróleu nian, konta no dokumentu sira husi Fundus Petróleu nian sei apresenta hodi uza Padraun Kontabilidade Internasionál nian - PKI) (*International Accounting Standard-IAS*). Fim tinan fiskal Fundu nian altera ona husi loron 30 Junu ba loron 31 Dezembru iha sequensia decizaun troka tinan fiskal iha Timor-Leste.

## 9. SUMÁRIU INFORMASAUN FINANSEIRU NIAN

Informasaun finanseiru tuirmai ne'e apresenta ho objetivu atu asiste Ministra hodi revere rendimentu trimestráil Fundus Petróleu nian nu'udar estabesele ona iha relatóriu ida-ne'e. Númeru sira-ne'e seidak halo verifikasaun-konta (*audit*).

### *Balansu*

|  | Em milhares de \$ |                  |                  |
|--|-------------------|------------------|------------------|
|  | Jun-08            | Mar-08           | Jun-07           |
| <b>Activos</b>   |                   |                  |                  |
| Caixa e Activos Líquidos                                     | 385               | 565,2            | 1.240            |
| Títulos do Tesouro de EUA (valor de mercado)                 | 3.185.709         | 2.592.399        | 1.386.781        |
| Variação de juros  | 16.978,3          | 36.998,9         | 7.030,6          |
| Menos: Compra de Títulos pendentes                           | -                 | -                | -                |
| <b>TOTAL</b>   | <b>3.203.073</b>  | <b>2.629.963</b> | <b>1.395.051</b> |
| <b>Capital</b>   |                   |                  |                  |
| Saldo Abertura de 1de Janeiro de 2008                        | 2.086.157         | 2.086.157        | 649.848          |
| Lei FP Art. 6.1(a) Receitas dos Contribuintes                | 455.205           | 221.736          | 498.471          |
| Lei FP Art. 6.1(b) Receitas de AD                            | 623.350           | 258.010          | 457.678          |
| Lei FP Art. 7.1 Transferencia para Orçamento Geral do Estado | -                 | -                | -260.068         |
| Rendimentos Líquidos   | 38.362            | 64.060           | 48.293           |
| <b>TOTAL</b>   | <b>3.203.073</b>  | <b>2.629.963</b> | <b>1.394.223</b> |

## *Deklarasaun Lukru no Lakon*

Em milhares  
de \$

| RENDIMENTOS                                | Trimestre      |               | Anual (YTD)   |               |
|--|----------------|---------------|---------------|---------------|
|  | Jun-08         | Jun-07        | Jun-08        | Jun-07        |
| Juros de Mercado Monetário                 | 120            | 155           | 269           | 458           |
| Cupões de Títulos de Tezouro               | 26.472         | 11.298        | 46.618        | 37.013        |
| <b>Rendimentos</b>                         | <b>26.592</b>  | <b>11.453</b> | <b>46.887</b> | <b>37.471</b> |
| Reavaliações de Mercado não Concretizadas  | -52.030        | -3.247        | -8.004        | 11.346        |
| Menus: Custos de Gestão                    | -261           | -157          | -521          | -524          |
| <b>Resultado Líquido durante o Período</b> | <b>-25.699</b> | <b>8.049</b>  | <b>39.404</b> | <b>48.293</b> |

Nota:

*Prinsipius kontabilidade no metodu kalkulasaun nebe uja hodi prepara numiru sira iha leten ne'e, hanesan mos sira nebe uja iha relatoriu fianseiru annual Fundu Petroleu nian foin lalais ne'e. Numiru anual 2007 nian no 2008 nian bazeia ba data balansu 30 Junu no data balansu 31 Dezembru respetivamente.*

Dili, 16 Julhu 2008

**Venâncio Alves Maria**  
Diretór Ezekutivu DJFP  
(Departamentu Jestaun Fundus  
Petroleu)

**Abraão de Vasconcelos**  
Diretór Jerál ABP